



21. 11. 2024 god.



Obrazac ZR5

Stranica 1 od 2

UNIVERZITET U SARAJEVU – ODABRATI FAKULTET/AKADEMIJU!
IZVJEŠTAJ KOMISIJE ZA OCJENU I ODBRANU ZAVRŠNOG RADA

**KOMISIJA ZA OCJENU I ODBRANU
ZAVRŠNOG RADA NA DRUGOM (II) CIKLUSU STUDIJA**

- **Vijeću -**
Filozofskog fakulteta

I Z V J E Š T A J
KOMISIJE ZA OCJENU I ODBRANU ZAVRŠNOG RADA

Odlukom Vijeća Filozofskog fakulteta broj 03-08/71-1, od 29. 3. 2024, imenovani smo u Komisiju za ocjenu i odbranu završnog rada na drugom (II) ciklusu studija studentice **Aldina Šaljić** pod naslovom:

Nekongruentni atribut u novinarsko-publicističkom stilu bosanskoga jezika
Non-congruent attribute in the journalistic-publicist style of the Bosnian language

Komisija je u sastavu:

1. prof. dr. Halid Bulić, predsjednik,
2. prof. dr. Ismail Palić, član,
3. doc. dr. Azra Hodžić-Čavkić, član.

Mentor je rada prof. dr. Ismail Palić.

Shodno Pravilima studiranja za prvi i drugi ciklus studija, integrirani, specijalistički i stručni studij na Univerzitetu u Sarajevu, studentica je podnijela Zahtjev za ocjenu i odbranu završnog rada i priložila sljedeće:

- pismenu saglasnost mentora da rad ispunjava kriterije navedene u obrazloženju teme,
- tri neukoričena primjerka rada – radna verzija,
- izvještaj iz službene evidencije o ispitima i (E)CTS bodovima.

Komisija konstatira da je studentica položila sve ispite i izvršila druge obaveze predviđene studijskim programom.

Nakon što se upoznala sa sadržajem rada, Komisija je ocijenila da se studentica **Aldina Šaljić** pridržavala teme za izradu završnog rada. U nastavku se daje kratak rezime završnog rada:



UNIVERZITET U SARAJEVU – ODABRATI FAKULTET/AKADEMIJU!
IZVJEŠTAJ KOMISIJE ZA OCJENU I ODBRANU ZAVRŠNOG RADA

Obrazac ZR5

Stranica 2 od 2

Završni rad kandidatkinje Aldine Šaljić obaseže ukupno 65 str. teksta (formata A4, proreda 1,5). Sastoji se od devet dijelova, i to: (1) Uvod, (2) Nekongruentni atribut – obilježja, terminološko i teorijsko određenje, (3) Osnovna obilježja novinarsko-publicističkog stila, (4) Supstantivna kategorija riječi u funkciji atributa, (5) Adverbijalna kategorija riječi u funkciji atributa, (6) Verbalna kategorija riječi u funkciji atributa, (7) Zaključak, (8) Izvori i (9) Literatura. Rad sadrži i Sažetak na bosanskom i engleskom jeziku. U Uvodu se objašnjavaju osnovni zadaci i ciljevi rada. U drugom poglavlju daje se pregled historijata problema istraživanja, definiraju ključni pojmovi i odabire teorijsko-metodološki pristup. U trećem poglavlju izdvajaju se karakteristična obilježja novinarsko-publicističkog stila koja se dovode u vezu s upotrebom nekongruentnog atributa. U četvrtom, petom i šestom poglavlju, koja su centralna i najobimnija, pristupa se raspravi, analizi i predstavljanju rezultata istraživanja. Posebno je tematski rasloženo četvrto poglavlje, gdje se u okviru posebnih odjeljaka razmatra nekongruentni atribut u svim zavisnim padežima – genitivu, dativu, akuzativu, instrumentalu i lokativu – u značenju koje je, s obzirom na nekongruentni atribut, centralno za svaki od njih. Analitički postupak uključuje podroban semantičko-sintaksički opis nekongruentnih atributa na empirijskoj podlozi primjera izdvojenih iz korpusa istraživanja. U zaključku se sumiraju i koncizno izlažu glavne spoznaje i rezultati istraživanja. Na koncu se donosi popis izvora (35 jedinica) i literature (29 jedinica).

Komisija konstatira da je studentica **Aldina Šaljić** u svome završnom radu obradila odabranu temu primjenom odgovarajućih naučnih metoda te time dokazala da je savladala nastavni plan i program studija, stekla potrebno znanje i osposobila se za njegovu primjenu, kao i da je osposobljena da izvodi zaključke na osnovu postavljenih zadataka.

Na osnovu naprijed iznesenog Komisija smatra da su ispunjeni svi formalni i suštinski uvjeti za odbranu završnog rada, te predlaže Vijeću **Filozofskog fakulteta** Univerziteta u Sarajevu da prihvati ovaj Izvještaj i studentici **Aldini Šaljić** odobri javnu odbranu.

Sarajevo, 11. 11. 2024.

KOMISIJA

1. Halid Bulić
Prof. dr. Halid Bulić
2. Ismail Palić
Prof. dr. Ismail Palić
3. Azra Hodžić-Čavkić
Doc. dr. Azra Hodžić-Čavkić

